



Chairman / Cadeirydd: Mr.G.Craigen  
Curriculum Support / Cefnogi'r Cwricwlwm  
County Hall/ Neuadd y Sir  
Mold / Yr Wyddgrug  
CH7 6ND

Secretary / Ysgrifennydd ; Mrs.S.Collingbourne  
The Gables  
Llanwern  
Newport / Casnewydd  
S.Wales / De Cymru NP18 2DS  
Tel / Ffôn 01633 411919  
Email / Ebo: [susan.collingbourne@tinyworld.co.uk](mailto:susan.collingbourne@tinyworld.co.uk)

**Minutes of a meeting held at County Hall,  
Carmarthen on 14<sup>th</sup> March 2008**

1. **Quiet Reflection** The Chair opened the meeting by announcing the death of the Revd Glyndwr Walker, a member of Carmarthen SACRE and regular attendee at WASACRE. Sympathy was expressed to his family and colleagues. The Chair asked members to 'rise to the challenge' as we approach the coming of Holy Week. To rise to the challenge to stand alongside those who find the present and the future daunting and the past, haunting. To resolve to act justly, love mercy and walk humbly in our faith.

2. **Introduction and Welcome** The Chair introduced Cllr Dewi Enoch, Chair of Carmarthenshire County Council. Cllr Enoch welcomed us to Carmarthen and said that he was very aware of the important work undertaken by WASACRE and the individual SACREs. He spoke of his pride in the Carmarthen SACRE and their work in maintaining the standard of RE taught in the County and he was equally proud that Carmarthen employed an Adviser to ensure those standards were met. The Chair thanked Cllr Enoch for the hospitality extended to the meeting.

3. **Apologies** were received from: C.Abbas, M.Parry, H.Gibbon, Canon T.Roberts,

**Cofnodion cyfarfod a gynhaliwyd yn Neuadd y  
Sir, Caerfyrddin, ar 14<sup>eg</sup> Mawrth 2008**

1. **Adfyfyrto tawel** Agorodd y Cadeirydd y cyfarfod trwy gyhoeddi marwolaeth y Parch. Glyndwr Walker, aelod o GYSAG Sir Gaerfyrddin ac un a fu'n fynychwr cyson o gyfarfodydd CCYSAGC. Mynegwyd cydymdeimlad â'i deulu a'i gydweithwyr. Gofynnodd y Cadeirydd i'r aelodau 'dderbyn yr her' wrth i ni nesáu at Wythnos y Pasg: derbyn yr her o sefyll ochr yn ochr â'r rhai hynny sy'n cael y presennol a'r dyfodol yn frawychus a'r gorffennol yn hunllefus; a phenderfynu gweithredu'n gyfiawn, caru frugaredd, a cherdded yn ostyngedig yn ein ffydd.

2. **Cyflwyniad a chroeso** Cyflwynodd y Cadeirydd y Cynghorydd Dewi Enoch, Cadeirydd Cyngor Sir Caerfyrddin. Fe'n croesawyd i Gaerfyrddin gan y Cynghorydd Enoch, a ddywedodd ei fod yn ymwybodol iawn o'r gwaith pwysig yr oedd CCYSAGC a'r CYSAG'au unigol yn ymgymryd ag ef. Soniodd am ei falchder o GYSAG Sir Gaerfyrddin ac o'u gwaith yn cynnal safon yr AG a oedd yn cael ei chyflwyno yn y Sir, a dywedodd ei fod yr un mor falch fod Sir Gaerfyrddin yn cyflogi Ymgynghorydd i sicrhau bod y safonau hynny'n cael eu cyrraedd. Diolchodd y Cadeirydd i'r Cynghorydd Enoch am y croeso a estynnwyd i'r cyfarfod.

3. Derbyniwyd **ymddiheuriadau** oddi wrth: C.Abbas, M.Parry, H.Gibbon, y Canon



N.Richter, Cllr.G.Pickering, Cllr.F.Gillmore, B.James, S.Cave, Cllr.J.Rogers, J.Malcolm, Cllr.R.Poole, A.Davison, G.Rogers, Cllr.A.Luke, Revd.E.Phillips, Cllr.M.Pead, D.Roberts, L.Sheriff, M.Campion. Apologies were also given that RE Today supplements were not available for distribution, they would be posted at a later date.

4. **Minutes of the meeting held at Ebbw Vale on 4<sup>th</sup> December 2007**

the minutes were accepted as a true record of that meeting with two amendments: (point 8) – the Report from the meeting with The Minister had not been included – to be sent with the minutes from this meeting and (point 11 page 12) remove 'llanw' from AOB.

Proposed by Mr.R.Thomas seconded by Ms V.Barlow.

5. **Matters arising**

- **Croeso Project** – The Chair confirmed that a bilingual presenter will be available in the future
- **Faith Garden** – Vicki Barlow reported the sudden and untimely death of Chris Pittaway, the Deputy Head who had accompanied the pupils to make the presentation to WASACRE. A letter of condolence had been sent to the school and his family.

6. **Correspondence** the following correspondence had been received since the list was circulated: Anglesey SACRE Annual Report; Bridgend SACRE Annual Report; GTCW letter asking for a further nomination; a letter and a cheque from Congregational & General Charitable Trust; an acknowledgement letter from Rank Foundation re. request for funding for the Post 16 RE Conference.

7. **Executive Report**

- Item 2- The Chair commented on the positive letter received from Jon

T.Roberts, N.Richter, y Cynghorydd G.Pickering, y Cynghorydd F.Gillmore, B.James, S.Cave, y Cynghorydd J.Rogers, J.Malcolm, y Cynghorydd R.Poole, A.Davison, G.Rogers, y Cynghorydd A.Luke, y Parch. E.Phillips, y Cynghorydd M.Pead, D.Roberts, L.Sheriff, ac M.Campion. Ymddiheurwyd yn ogystal am y ffaith nad oedd yr atodiadau 'RE Today' ar gael i'w dosbarthu; byddent yn cael eu postio'n ddiweddarach.

4. **Cofnodion y cyfarfod a gynhaliwyd yng Nglynebwy ar 4<sup>ydd</sup> Rhagfyr 2007**

Derbyniwyd y cofnodion fel rhai cywir, gyda dau ddiwygiad: (Pwynt 8) — Nid oedd yr Adroddiad ar y cyfarfod gyda'r Gweinidog wedi ei gynnwys; byddai'n cael ei anfon gyda Chofnodion y cyfarfod hwn; (Pwynt 11 ar dudalen 12) — Dileu'r gair 'llanw' o UFA. Cynigiwyd gan Mr. R.Thomas, a eiliwyd gan Ms V.Barlow.

5. **Materion yn codi**

- **Prosiect Croeso** — Cadarnhaodd y Cadeirydd y byddai cyflwynydd dwyieithog ar gael yn y dyfodol.
- **Gardd Ffydd** — Tynnodd Vicki Barlow sylw at farwolaeth ddisymwth ac annhymig Chris Pittaway, y Dirprwy Bennaeth a oedd wedi dod gyda'r disgyblion i wneud y cyflwyniad i GCYSAGC. Yr oedd llythyr o gydymdeimlad wedi ei anfon i'r ysgol ac at ei deulu.

6. **Gohebiaeth** Yr oedd yr ohebiaeth ganlynol wedi ei derbyn ers i'r rhestr gael ei chylchredeg: Adroddiad Blynyddol CYSAG Ynys Môn; Adroddiad Blynyddol CYSAG Pen-y-bont ar Ogwr; llythyr gan GyngACC yn gofyn am enwebiad pellach; llythyr a siec gan y 'Congregational & General Charitable Trust'; llythyr cydnabyddiaeth oddi wrth Sefydliad Rank ynglŷn â'r cais am noddiant ariannol ar gyfer y Gynhadledd AG Ôl-16.

7. **Adroddiad y Pwyllgor Gwaith**

- Eitem 2 — Gwnaeth y Cadeirydd sylw ar y llythyr cadarnhaol yr oedd wedi ei



Hawkins and he will write to ask for a copy of the revised information and planning sheet and timescale.

- Ms. Gill Vaisey asked for a copy of the letter sent by The Chair to Susan Lewis re the Inspection Handbook. The letter will be sent out with the next set of papers.
- Mr. R. Thomas referred to point 7 of the Report and informed members that England was moving forward on RE and not Collective Worship element of 10/94.
- The copy of the Constitution with the proposed amendments, sent with the papers for this meeting was incorrect. The Code of Practice is removed from the Constitution and should appear as an addendum. A revised copy will be sent to all SACRE Clerks. The amended Constitution is to be approved at the AGM in June.
- The questionnaire from Ann Buchanan re. Collective worship and SACREs had been discussed at Executive; there was concern about the way it had been put together. However, it is for each individual SACRE to decide whether or not to take part in the survey.
- UCAC – Mr. Vaughan Salisbury had been in touch with UCAC and he will be available to them to check the amended publication.
- Guidance Document on School Uniform – paragraph 2:10 had been followed up by the Inter faith Forum and the Equality for Human rights Forum as there was concern about the wording being contrary to Government guidance on dealing with bullying in schools. This issue had been taken up by other organisations.

dderbyn oddi wrth Jon Hawkins; byddai'n ysgrifennu i ofyn am gopi o'r wybodaeth ddiwygiedig, y ddalen gynllunio, a'r amserlen.

- Gofynnodd Ms. Gill Vaisey am gopi o'r llythyr a anfonwyd gan y Cadeirydd at Susan Lewis ynglŷn â'r Llawlyfr Arolwg. Byddai'r llythyr yn cael ei anfon allan gyda'r set nesaf o bapurau.
- Cyfeiriodd Mr. R. Thomas at Bwynt 7 yn yr Adroddiad, a rhoddodd wybod i'r aelodau fod Lloegr yn symud ymlaen ynglŷn ag AG ac nid yr elfen addoli ar y cyd yng nghylchlythyr 10/94.
- Yr oedd y copi o'r Cyfansoddiad a oedd yn cynnwys y diwygiadau bwriedig, a anfonwyd gyda'r papurau ar gyfer y cyfarfod hwn, yn anghywir. Yr oedd y Cod Ymarfer wedi ei dynnu allan o'r Cyfansoddiad, a dylai ymddangos ar ffurf atodiad. Byddai copi diwygiedig yn cael ei anfon at Glercod yr holl GYSAG'au. Y bwriad oedd i'r Cyfansoddiad diwygiedig gael ei gymeradwyo yn y Cyfarfod Blynyddol ym mis Mehefin.
- Yr oedd yr holiadur gan Ann Buchanan ynglŷn ag Addoli ar y cyd a ChYSAG'au wedi ei drafod gan y Pwyllgor Gwaith; yr oedd pryder wedi ei fynegi ynglŷn â'r modd yr oedd wedi ei lunio. Fodd bynnag, mater i bob CYSAG unigol oedd penderfynu a oedd am gymryd rhan yn yr arolwg ai peidio.
- UCAC — yr oedd Mr. Vaughan Salisbury wedi bod mewn cysylltiad ag UCAC, a byddai ar gael iddynt i wirio'r cyhoeddiad diwygiedig.
- Y Ddogfen Arweiniad ynglŷn â Gwisg Ysgol — yr oedd paragraff 2:10 wedi ei ddilyn ymlaen gan y Fforwm Aml-ffydd a'r Fforwm Cydraddoldeb am lawnderau Dynol, gan fod yna bryder bod y geiriad yn groes i gyfarwyddyd y Llywodraeth ynglŷn â thrin bwlio mewn ysgolion. Yr oedd sefydliadau eraill wedi mynd ar ôl y mater hwn.



**8. Presentation from Christian Education – Tackling Tough Issues Project**

The Chair welcomed Professor Russell Stannard and Mr. Peter Fishpool from CEO Christian Education.

Mr. Fishpool explained the background to the project as having been produced for use in RE in Secondary settings and it deals with difficult areas in life. Students were given opportunities to discuss and explore these important issues. An information sheet was distributed ( a copy is enclosed with these minutes) The charity, Christian Education has one 'branch' called RE Services, and also has the National Society of Teachers of RE in England as part of the charity. There are 4,000 subscriptions to the magazine made up of individuals, schools and SACREs. They are constantly on the lookout for new partners to work with in order to produce good resources. The Templeton Foundation had sponsored the Tackling Tough Questions project, which included an 85mins DVD, a teacher's book, questions for discussion and various activities. The project had been trailed in schools and refined before publication.

Professor Stannard spoke of two main reasons why people have problems with religious concepts :- a perceived conflict between religion and science and how God allows evil, suffering and death. Professor Stannard introduced himself as a scientist who is a licensed lay minister in the church of England. He emphasised that the project is not to make converts but it is to give two sides to an argument, it is Religious Education not Religious Instruction. The DVD follows the format of short exchanges between a believer and a non-believer (the listener is never told the faith origin of either person), then a quote from the presentation is used as a still picture to allow time for students to discuss the issues. Members watched some clips from the DVD and were then invited to take part in one of the group activities. Ms Gill Vaisey commented that as pupils have been more involved in thinking skills at primary school, they should

**8. Cyflwyniad gan Addysg Gristnogol – Prosiect 'Tackling Tough Questions'**

Estynnodd y Cadeirydd groeso i'r Athro Russell Stannard a Mr. Peter Fishpool, Prif Weithredwr Addysg Gristnogol.

Eglurodd Mr. Fishpool y cefndir i'r prosiect: yr oedd wedi ei gynhyrchu i'w ddefnyddio mewn AG mewn cyd-destunau uwchradd, ac yr oedd yn ymdrin â meysydd anodd mewn bywyd. Yr oedd myfyrwyr yn cael cyfleoedd i drafod ac archwilio'r materion pwysig hyn. Cafodd dalen wybodaeth ei dosbarthu (mae copi ynghlwm wrth y Cofnodion hyn). Yr oedd gan yr elusen Addysg Gristnogol un gangen dan yr enw 'RE Services', ac yr oedd Cymdeithas Genedlaethol Athrawon AG yn Lloegr yn rhan o'r elusen hefyd. Yr oedd 4,000 o danysgrifwyr i'r cylchgrawn, gan gynnwys unigolion, ysgolion a ChYSAG'au. Yr oedd yr elusen yn chwilio'n gyson am bartneriaid newydd i weithio gyda hwy er mwyn cynhyrchu adnoddau da. Yr oedd Sefydliad Templeton wedi noddi'r prosiect 'Tackling Tough Questions', a oedd yn cynnwys DVD 85 munud o hyd, llyfr i athrawon, cwestiynau i'w trafod, ac amryfal weithgareddau. Yr oedd y prosiect wedi ei dreialu mewn ysgolion ac wedi ei fireinio cyn ei gyhoeddi.

Soniodd yr Athro Stannard am ddau brif reswm pam yr oedd gan bobl broblemau gyda chysyniadau crefyddol:- gwrthdaro canfyddedig rhwng crefydd a gwyddoniaeth, a sut yr oedd Duw'n caniatáu drygioni, dioddefaint ac angau. Cyflwynodd yr Athro Stannard ei hun fel gwyddonydd a oedd yn weinidog lleyg trwyddedig yn Eglwys Loegr. Pwysleisiodd nad creu tröedigion oedd pwrpas y prosiect, ond yn hytrach cyflwyno dwy ochr dadl; Addysg Grefyddol, nid Hyfforddiant Crefyddol, oedd yma. Yr oedd y DVD yn defnyddio diwyg dadleuon byr rhwng crediniwr ac anghrediniwr (ni ddatgelid beth oedd tarddbwynt ffydd y naill unigolyn na'r llall mewn unrhyw achos); yna yr oedd dyfyniad o'r cyflwyniad yn cael ei ddefnyddio fel llun llonydd er mwyn caniatáu amser i'r myfyrwyr drafod y dadleuon. Gwylodd yr aelodau rai detholiadau o'r



be able to respond well to these activities. The Chair thanked Mr. Fishpool and Professor Stannard for their interesting and stimulating presentation and commented that in the hands of good teachers the pack will be a very good resource.

9. **Showcase** Mr. R. Thomas distributed leaflets about RE Resources in Welsh for Key Stages 1 – 5. Mrs. Tania ap Siôn distributed leaflets about the new world faith series for Key Stage 2.

10. **Post 16 RE Conference** The Chair distributed a draft programme for the day (included with these minutes) The date received from The Minister is **Saturday 4<sup>th</sup> October**. The Conference is to raise awareness of what Post 16 RE could be and the benefits to the pupils and it is targeted at senior managers in the schools to encourage them to give RE an appropriate time in the curriculum. Technicians will be available to set up and maintain the video link between the two venues. There will also be instant translation available at both venues. The Chair has written to various grant making charitable trusts seeking funding towards the cost of translating 'Spiritual Engagement'. Negotiations are taking place with GTCW to second two teachers for five weeks to produce additional resources that will be distributed to all schools. Invitations to the conference will go via DCELLS early in June for each school to send two representatives. Funky Dragon had been contacted to send a group of young people to the day. Mrs. M. Lloyd suggested that young people from the host schools be invited to steward for the day.

DVD, a gwahoddwyd hwy wedyn i gymryd rhan mewn un o'r gweithgareddau grŵp. Gwnaeth Ms. Gill Vaisey'r sylw y dylai disgyblion heddiw allu ymateb yn dda i'r gweithgareddau hyn oherwydd iddynt gael mwy o brofiad o sgiliau meddwl yn yr ysgol gynradd. Diolchodd y Cadeirydd i Mr. Fishpool a'r Athro Stannard am eu cyflwyniad diddorol a symbylol, a gwnaeth y sylw y byddai'r pecyn yn adnodd da iawn yn nwylo athrawon da.

9. **'Showcase'** Dosbarthodd Mr. R. Thomas daflenni ynglŷn ag Adnoddau AG yn Gymraeg ar gyfer Cyfnodau Allweddol 1 – 5. Dosbarthodd Mrs. Tania ap Siôn daflenni ynglŷn â'r gyfres ffydd fyd-eang newydd ar gyfer Cyfnod Allweddol 2.

10. **Y Gynhadledd Ôl-16** Dosbarthodd y Cadeirydd rhaglen ddrafft ar gyfer y diwrnod (mae wedi ei chynnwys gyda'r Cofnodion hyn). Y dyddiad a dderbyniwyd oddi wrth y Gweinidog oedd **dydd Sadwrn Hydref 4<sup>ydd</sup>**. Pwrpas y Gynhadledd oedd codi ymwybyddiaeth o'r hyn y gallai AG Ôl-16 fod, ynghyd â'r buddion ar gyfer disgyblion. Yr oedd yn cael ei hanelu at uwch reolwyr mewn ysgolion, er mwyn eu cymell i neilltuo amser priodol ar gyfer AG yn y cwricwlwm. Byddai technegwyr ar gael i sefydlu a chynnal y cyswllt fideo rhwng y ddau fan cyfarfod. Byddai cyfieithu ar y pryd ar gael yn y ddau fan cyfarfod hefyd. Yr oedd y Cadeirydd wedi ysgrifennu at wahanol ymddiriedolaethau elusennol a oedd yn dyfarnu grantiau, i ymofyn arian tuag at gost cyfieithu 'Spiritual Engagement'. Yr oedd trafodaethau ar y gweill gyda Chyng ACC er mwyn secondio dau o athrawon am bum wythnos i gynhyrchu adnoddau ychwanegol a fyddai'n cael eu dosbarthu i'r holl ysgolion. Byddai gwahoddiadau i'r Gynhadledd yn mynd allan drwy APADGOS ym mis Mehefin; byddid yn gofyn i bob ysgol anfon dau gynrychiolydd. Yr oedd cais wedi ei wneud i'r 'Ddraig Ffynici' anfon grŵp o bobl ifanc i'r diwrnod. Awgrymodd Mrs. M. Lloyd y dylid gwahodd pobl ifanc o'r ysgolion a oedd



11. **A.O.B.**

- **14 – 19 Networks** – The Chair suggested that SACREs need to make contact with these Networks in each Authority so they can become fully conversant with the requirements for RE and CW. The Chair will write a draft letter for each SACRE to send to their Network Coordinator.
- **The Holocaust Education Trust** is holding a 'Lessons from Auschwitz' project. Each sixth from in Wales is invited to send two representatives to visit Auschwitz. There has been little take up so far, the project commences in May, but late applications will be considered. Ms. Vicki Thomas commented on the excellent pack produced each year for Holocaust Memorial Day. The pack is sent to all schools in England but does not go automatically to schools in Wales. She asked that SACREs write to WAG expressing their disappointment that WAG had not made this day high profile and to ask that packs are funded for Welsh schools in the future.
- **Secretary** – the Secretary has given notice of her intention to retire from her duties following the AGM meeting in June. The Chair asked for Nominations for the post a.s.a.p. so that papers etc can be handed over. He thanked Mrs. Collingbourne for her work.
- **Nominations to Executive and for Vice Chair** – The Chair announced that four nominations had been received for Executive :- Mrs Eirian Pierce (CONWY), Mr. David Williams (SWANSEA), Cllr. Michael Gray (CAERPHILLY) and Ms. Vicki Thomas (TORFAEN) also nominated by Caerphilly. The nomination for Vice Chair is Cllr Michael Gray

yn croesawu'r Gynhadledd i stiwardio am y diwrnod.

11. **U.F.A.**

- **Rhwydweithiau 14 – 19** — Awgrymodd y Cadeirydd fod angen i GYSAG'au gysylltu â'r Rhwydweithiau hyn ym mhob Awdurdod, er mwyn dod yn gwbl gyfarwydd â'r gofynion ar gyfer Addysg Grefyddol ac Addoli Cristnogol. Byddai'r Cadeirydd yn ysgrifennu llythyr drafft y gallai pob CYSAG ei anfon at ei Gydlynnydd Rhwydwaith.
- Yr oedd yr '**Holocaust Education Trust**' yn cynnal prosiect 'Gwersi Auschwitz'. Yr oedd gwahoddiad wedi ei estyn i bob Chweched Dosbarth yng Nghymru anfon dau gynrychiolydd i ymweld ag Auschwitz. Dim ond ychydig a oedd wedi manteisio ar y cyfle hyd yma; byddai'r prosiect yn cychwyn ym mis Mai, ond byddai ceisiadau hwyr yn cael eu hystyried. Gwnaeth Ms. Vicki Thomas sylw ar y pecyn rhagorol a oedd yn cael ei gynhyrchu bob blwyddyn ar gyfer Diwrnod Coffáu'r Holocost. Yr oedd y pecyn yn cael ei anfon i bob ysgol yn Lloegr, ond nid oedd yn mynd yn awtomatig i ysgolion yng Nghymru. Gofynnodd Ms. Thomas am i GYSAG'au ysgrifennu at Lywodraeth Cynulliad Cymru i fynegi eu siom nad oedd LICC wedi rhoi amlygrwydd uchel i'r diwrnod hwn, ac i ofyn am i becynnau gael eu hariannu ar gyfer ysgolion Cymru i'r dyfodol.
- **Ysgrifennydd** — Yr oedd yr Ysgrifennydd wedi rhoi rhybudd o'i bwriad i ymddeol o'i dyletswyddau yn dilyn y Cyfarfod Blynnyddol ym mis Mehefin. Gofynnodd y Cadeirydd am i Enwebiadau ar gyfer y swydd gael eu cyflwyno cyn gynted â phosibl, er mwyn i bapurau ayyb allu cael eu trosglwyddo. Diolchodd i Mrs. Collingbourne am ei gwaith.
- **Enwebiadau i'r Pwyllgor Gwaith ac i swydd yr Is-Gadeirydd** — Cyhoeddodd y Cadeirydd fod pedwar o enwebiadau ar gyfer y Pwyllgor Gwaith wedi dod i law:- Mrs. Eirian Pierce (Conwy), Mr. David Williams (Abertawe), y Cynghorydd Michael Gray (Caerffili) a Ms. Vicki Thomas (Torfaen), a oedd hefyd wedi ei henwebu gan Gaerffili. Yr enwebiad ar gyfer swydd yr



(CAERPHILLY). Short bibliographies are included with these papers for voting to take place at the AGM in June. Each SACRE must inform the attending members of their vote.

- **Attendance** the Chair expressed his disappointment with the attendance at this meeting with some SACRES without any representation and apologies not received. Members agreed that the Chair will write to all SACREs reminding them of the value and strength of WASACRE being represented by all 22 Authorities, and add a note to those SACREs without any representation, expressing disappointment at their lack of representation.

12. The Chair thanked everyone for their attendance and a special thanks to Jane Rees, Clerk to Carmarthen SACRE for the excellent arrangements. He also thanked Tudur Jones for the simultaneous translation.

13. **Dates of next meetings**

- 26<sup>th</sup> June – Flintshire AGM
- 7<sup>th</sup> November – Monmouthshire
- 13<sup>th</sup> March 2009 – Bridgend
- Summer term – Denbighshire
- Autumn term Rhondda Cynon Taf

Is-Gadeirydd oedd y Cynghorydd Michael Gray (Caerffili). Mae bywgraffiadau byrion wedi eu cynnwys gyda'r papurau hyn er mwyn i bleidlais gael ei chynnal yn y Cyfarfod Blynyddol ym mis Mehefin. Rhaid i bob CYSAG roi gwybod i'r aelodau sy'n dod i'r cyfarfod sut y mae wedi pleidleisio.

- **Presenoldeb** Mynegodd y Cadeirydd ei siom ynglŷn â lefel y presenoldeb yn y cyfarfod hwn. Yr oedd rhai CYSAG'au heb anfon cynrychiolwyr nac ymddiheuriadau. Cytunodd yr aelodau y dylai'r Cadeirydd ysgrifennu at yr holl GYSAG'au i'w hatgoffa o werth a chryfder cynrychiolaeth gan y 22 awdurdod ar GCYSAGC, ac ychwanegu nodyn at y CYSAG'au hynny nad oedd wedi anfon cynrychiolwyr, yn mynegi siom ynglŷn â'u diffyg cynrychiolaeth.

12. Diolchodd y Cadeirydd i bawb am eu presenoldeb, gan estyn diolch arbennig i Jane Rees, Clerc CYSAG Sir Gaerfyrddin, am y trefniadau rhagorol. Diolchodd hefyd i Tudur Jones am y cyfieithu ar y pryd.

13. **Dyddiadau'r cyfarfodydd nesaf**

- 26<sup>ain</sup> Mehefin — Sir y Fflint: Cyfarfod Blynyddol
- 7<sup>fed</sup> Tachwedd — Sir Fynwy
- 13<sup>eg</sup> Mawrth 2009 — Pen-y-bont ar Ogwr
- Tymor yr Haf 2009 — Sir Ddinbych
- Tymor yr Hydref 2009 — Rhondda Cynon Taf

